

皇朝經世文續編

皇朝經世文續編卷三十目錄

戶政七 賦役上

邑侯王公編審碑記

黔記序

稽戶口議

均賦稅議

改土貢議

革除漕務積弊並減定漕章密疏

辦理漕務大概情形片

札各州縣論錢漕吏胥

請革除湖北錢糧積弊片

酌擬徵收錢糧各條片

議減杭嘉湖三屬漕糧疏

會奏杭嘉湖三府酌減漕糧分數疏

核減紹興屬浮收錢糧疏

核減漕南浮收並禁革陋規疏

請 豁免嘉善縣攤賠銀米疏

李 璣

梅 曾 亮

馮桂芬

馮桂芬

馮桂芬

胡林翼

胡林翼

胡林翼

屠仁守

屠仁守

左宗棠

左宗棠

馬新貽

左宗棠

馬新貽

皇朝經世文續編卷三十

上海葛士濬子源輯

戶政七 賦役上

邑侯王公編審碑記

李 建

粵自拜登受藏之典肇於周禮而歷代相因著爲累令編審之設由來尙矣 國朝稽古定制詔天下郡邑五年一編審以五年之內田產之興廢不同徭役之多寡宜異均勞逸權輕重法至善也朝邑土瘠民貧而額丁幾滿十萬每屆其時盡人懷規避之私念而奸蠹胥書復從而熒惑之於是弊竇叢生遂至於莫可禁如賦役既有定額而戶之大者非苞苴之私投則請謁之公行本宜多坐而反減者有之大戶減則弱戶益增放富差貧古患之矣弊之一也三門九則原爲貧富不同而設無如操縱於長吏筆端之上下其所欲上一丁而供數丁之役其所欲下數丁而無一丁之費况吏緣爲奸無由窮詰弊之二也按地作丁朝邑之定法然當官旣以地畝起例而民閒復照人數分派稍有更卸輒執脫漏之律以繩之俾有地者脫籍而嬉無地者剝肉以補苦樂不均疇從而問焉弊之三也縉紳衿裾及府史曹掾自難與齊民同數如果負郭有田照例豁免一丁固其宜也乃有無地而暗包他業以霑優異此非貽累窮簷之源乎弊之四也至於常住有地寄莊有戶縉流黃冠之徒託言方外而不之任同華澄邨之氓恃在隔屬而不之承嗟我朝民能無代輸丁徭之苦也耶弊之五也有此諸弊而卒莫之釐正者果民爲之耶抑或官爲之也夫朝固素多良宰第識不足者未免蹈常習故而不知正卽知之矣而才不及者又未免憂讒畏譏而不敢正致使拜登受藏之典相沿而成頭會箕歛之擾嘻嘻不知其幾何年矣今我邑侯王公則不然侯滇南名儒也洎朝五載其美政洋溢雖更僕亦未易數適值編審

之期戶吏復以舊例營侯而侯弗善也細閱賦役各冊早已得其原委與弊所由藁本特達之識出獨斷之才立畫一之法定以有地七畝坐以一丁爲則諸無地並有地而少者悉不與焉未審之前榜陳夙弊較如列眉矢誓神前不啻瀝血及臨審之際絕貧緣杜巧營邑門之內無敢干三尺而賄免者是放富差貧之弊無矣照地坐丁注以實數且親裁自定毫不假手吏胥縱有狡猾誰敢上下其閒是挪移門則之弊無矣徧召花戶溫語細詢使丁多丁少皆自了然而豪惡巨奸無自施其欺罔是私家飛灑之弊亦可以無矣他如懲濫免貽累之弊則清查占役而嚴禁包攬懲代輸偏苦之弊則坐丁常住而分徭寄莊此其意何莫非爲我縣之蒼赤計哉是役也辨色而興丙夜而寢風寒不避心血幾乾專精其念慮以爲之卽頌聲流聞謗謠起侯亦兩忘之耳事竣日農歌於野商歌於市士歌於學宮下至白叟黃童癡婦紅女莫不歡聲動地咸謂我侯大有造於我朝矣而侯且逡巡謝不敏曰吾何知有造吾第揆乎理度乎勢爲爾曹立一均平之法以不負吾生平之學問而不知當乎否耶有味乎言之哉於是闔邑士庶斬石鑲碑以誌德意而更慮侯治行彪炳上大夫必列之薦剡倘旦夕捨我遷去後此編審復何所賴焉然不聞夫甘棠之詩乎愛其人則愛其樹侯卽去而美意良法具在其爲甘棠者大矣第願繼侯而來者遵侯之意守侯之法則吾儕食福於一時者且將食福於百世矣又何患乎侯諱兆鼐字東柱號曲江雲南甯州人庚午科亞魁秉鐸於師崇州其來朝邑蓋由特陞云

黔記序

梅曾亮

嘉慶十六年山陽李芝齡先生以中允爲貴州學政時巡撫某公以黔中地非甚隘而糧數乃不敵一二縣於江蘇多隱匿將請丈全省田先生聞之駭甚而無說以折之也而某公自以不加賦而田增多賦倍出爲國計久遠意自得銳甚時時籌經費調屬吏議設官局事行有日矣先生初至黔時以文獻隱失府縣志多缺不

修乃檄各學校官訪鄉士大夫藏圖書金石歌謠涉黔事者最上學政爲黔記一書而遂得御史包承祚丈田奏蓋乾隆初貴州學政鄒一桂請丈田而包公駁之事遂寢先生示某公曰丈田事學臣嘗奏之議被駁今必援前議解其駁奏乃得伸不然部議必駁公如曩時且以匿前議不奏詰公卽公無辭某公驚曰吾不意害乃如是非包公黔人固無由知勿復言丈田事後完顏公麟慶署巡撫以包公事已遠文書失恐後萌芽於先生官戶部侍郎時故列上其事而部援前議詳覆之事定不行蓋方檄學官時惟欲網羅放失舊聞而已而遂得包公奏以回某公意安黔民不然黔中固多山少平地民或以虛占不毛之土而實奪其可耕之田又以胥吏可上下之手而丈高下不可準之地使賄成於胥吏官財耗而官田不增其害小苟民田奪而官田遂增惟剝其膚髓爲國家經常之規萬世之憂可一朝而伏也而黔之民得至今宴然無憂非先生之功哉此一事於是書足千古矣若夫鉅細兼備裨益雅俗有華陽志風土記之遺意覽者宜自得之而有取焉

稽戶口議

馮樞芬

小司徒之職乃均土地以稽人民而周知其數意在均其役而已蓋田則稅之身則役之未有稅其身者漢高初爲算賦爲後世地丁銀之始民年十五而算口賦二十而傳給徭役是旣稅之且役之矣今地丁并於田賦南省徭役亦并於田賦取諸民也簡不可謂非今勝於古於是煙戶門牌則以意造之遂無從周知戶口之數其弊也民輕去其鄉五方雜處逋逃爲數名捕關提十不獲一是謂有利卽有弊另議復宗法復鄉職以族人而周知本族人數以鄉董而周知本鄉人數事必不難宜由部頒一照式人與一照鄉董造冊州縣鈐印男女一律賞賤一律

如清曰丞相子亦在成邊之調

令藏弄之若貢單捐照然滋生物故關鄉董出行流寓亦如之老子曰至治之

極老死不相往來孟子曰死徙無出鄉在今日已不可行有此一法他鄉可執禁以讎奸宄游民庶幾少衰息

乎或疑案牘之煩曰蒙諸議所省案牘不知凡幾所增亦僅耳且古法也無可疑也

均賦稅議

馮桂芬

曷言乎繪圖以均賦稅也賦稅不均由於經界不正其來久矣宋熙寧五年重修定方田法分五等定稅

宋史食貨

志又王洙傳

明萬曆八年度民田用開方法以徑圍乘除裁補

欽定通鑑綱目三編

康熙十五年命御史二員詣河南山東

履畝清丈山東明藩田以五百四十步為畝今照民地概以二百四十步為畝

皇朝文獻通考

乾隆十五年申弓步

盈縮之禁部議惟直隸奉天遼部弓尺並無參差至山東河南

可見康熙十五年之舉仍屬具文

山西江西福建浙江湖北西

安等省或以三尺三寸四尺五寸至七尺五寸為一弓或以二百六十弓七百二十弓為一畝長蘆鹽場三

尺八寸為一弓三百六十弓六百弓六百九十弓為一畝大名府以一千二百步為一畝若令各省均以部定

之弓為畝倘大於各省舊用之弓勢必田多缺額小於舊用之弓勢必須履畝加征一時驟難更張應無庸議

嗣後有新漲新墾之田務遵部頒弓尺不得仍用本處之弓

大清會典

不特朝廷寬大之恩卓乎不可及亦見當

時部臣深明大體有如此惟是舊田新田截然為二終非同律度量衡之意也惜當時不將各省田畝一切度

以工部尺而增減其賦以就之不尤善之善者乎今吳田一畝多不敷二百四十步甚有七折入折者林文忠

公疏稿

見與水利議

所謂南方地畝狹於北方者此也蓋自宋以來所謂清丈者無非具文矣皆由不知前議羅盤

定向四隅立柱之法為之範圍有零數無都數可分不可合或盈或縮甚或隱匿百弊叢生

十畝斜割為二可成十一畝餘可類推又遇巉山宜用圓錐求面術亦丈書所未必知蘇州府

載吳縣辦清丈久之以山多難丈中縣可為笑柄故丈田亦必略知算術不可事恃丈書

必至治絲而夢誠如前議繪圖之法而用之然後明定畝數

北省有六畝為一畝四十二畝

一縣之丈地數一縣之糧科

見日知錄

即朱子通縣均紐百里之內輕重齊同之法

見朱子文集卷十

接畝均收仍

遵康熙五十年永不加賦之諭旨不得藉口田多絲毫增額如是則家強無欺隱良懦無賠累矣又舊例各縣稅則至數十等之多於國無益於民非徒無益而於吏胥隱射轉捩則大有益圖成之後地形高下水口遠近型然在目應請各州縣就境內用宋法分五等定稅亦絕弊之善何又曰知錄所列州縣有去治三四百里者有城門外卽鄰境者有縣境隔越如周禮所謂華離之地者按圖審之并改甚易是之謂平天下是之謂天下國家可均

改土貢議

馮桂芬

今天下之大害大都在上下兩損而歸於中飽有專蠹國不蠹民官吏轉率民以蠹國者營兵也河工也鹽務

中諸色人等也有專蠹民不蠹國者錢糧也

近蘇省年年災緩正供減而浮費轉增則亦兼蠹國

有國與民交蠹者關也貢也而關之弊

難除貢之弊易除夫任土作貢古之制也禹貢周官所紀詳矣我朝定鼎之初特詔蠲除故明各道額解

物產戶工二部則例稱歲需上供令有司支款購解不責之民閒良法美意亘古所未有惟是日久弊生亦有

不能不蠹國蠹民而歸於中飽者所宜亟爲變通矣夫貢之弊大抵藩庫給有餘之價內外書吏多方折扣需

索以使之不足則斂衆商錢以濟之謂之貼差其有例價本不足者亦令衆商賠貼或令著名脂膏之員賠貼

然賠貼於本務者微賠貼於中飽者鉅此其大較也而自監督織造承辦者兼以擾民其弊倍甚試以一事言

之蘇州歲貢龍衣一篋輒支千金用萬斛舟具儀衛由運河北上日行數里遇民舟闌之索錢以舟之大小爲

差民船避之如寇賊逾江淮則民風悍稍斂跡值水涸舍舟而陸則盡棄儀衛捆載小車下但曳小旗曰上

用而已然則前之鋪張揚厲何爲者耶又余往歲典廣西試撫部祥符周公之琦屬寄撫吏與部吏書一元寶

一詢之則曰廣西土貢麪粉歲額數斤質下致遠輒微變但致印紙屬吏購京麪封完進之以元寶充各費歲

以爲常余聞之喟然曰一細事而欺罔賄賂無不至大者遠者何如也今議變通之法京師爲萬商淵藪發價購采何物不有攷會典所列戶工二部土貢有本不出其地者如江蘇之銅錫木蠟桐油之類有不必出其地者如四川之馬及米廣西之馬之類皆宜刪之有非其地不出而京師又不時有者始由其地進納可由本省引見各官及本籍病痊服闋各官帶解尙何前弊之有哉

革除漕務積弊並減定漕章密疏 咸豐七年

湖北巡撫胡林翼

竊惟湖北通省有漕州縣凡三十有三額征北漕正耗米十五萬石有奇南米十三萬七千石有奇北漕由丁船兌運京倉南米由州縣解交荊州滿營及各標綠營咸豐三年因湖廣漕船停運部文令變價解部每石折銀一兩三錢各州縣仍照舊徵收時因省城失陷未及辦理臣自咸豐五年三月蒙恩擢署湖北巡撫卽訪聞各州縣徵收漕糧多所浮勒大爲民病每思有以變易之適以軍事方殷無暇及此上年武漢克復楚境漸次肅清今歲雨暘時若年成頗稱豐稔漕糧可望開征若不於此設法清釐舉積弊而一更張之國計民生將何補救惟是楚北漕弊浮收之重實由於冗費之多使非先察積弊之由是猶止沸者不去其薪墾田者懼圖其蔓也臣請爲皇上密陳之查湖北各州縣額徵米數多者二萬餘石少者二千餘石或數百石北漕南米合征分解其徵收米石者謂之本色以錢折米者謂之折色其征收折色多寡不同有本色多於折色者有折色多於本色者有本色折色各半者有全收折色者其徵收折色每石折收錢或五六千或七八千或十二三千或十五六千竟有多至十八九千者其徵收本色每石浮收米或五六斗或七八斗或加倍收竟有多至三石零者此外又有耗米水脚等項分款另收又有由單券票樣米號錢等名多端需索民力幾何其能堪此而州縣則有所藉口也向來漕運道通時不無津貼方能挽運入都而丁船藉此需索兌費爲數甚鉅者固無

論已卽現在停運免兌幫費可省而糧道有漕規本管道府有漕規丞倅尹尉各官俱有漕規院署有房費司署有房費糧道署及本管道府署吏各有房費此冗費之在上者也又有刁紳劣監包攬完納其零取於小戶者重其整交於官倉者微民謂之曰蝗蟲更有挾州縣浮勒之短分州縣浮勒之肥一有不遂相率告漕甚或聚眾哄倉名雖爲民請命實則爲己求財也官謂之蝗蟲費種種蠹弊盈千累百無不於州縣取之其派撥南米者撥定後由州縣自運交荊州府衙門或交本色或交折色其交本色者正米耗米之外尙需雜費銀兩甚多其交折色者每米一石或二兩或三兩不等要之費未交足米故遲收此冗費之在南米者也夫州縣既多冗費勢不能不向糧戶浮收州縣既有浮收勢不能不受刁民挾制於是大戶折色之價日減小民折色之價日增土棍豪矜多方抗欠猾胥蠹役從中欺侵各州縣雖勒折浮收聞有所得半皆耗於上下冗費之中而國家維正之供往往徵不足數則相率捏報災歉藉緩徵爲騰挪而漕政因之益壞百餘年來日甚一日東南數省積弊相同而湖北則幾有不可挽回之勢矣湖北現當兵燹之餘若聽有漕州縣仍照前此之每石十餘千收取必至民困難蘇有負我皇上軫恤凋殘愛養民生之至意臣自九月初旬由九江旋省日與省中司道武漢二府晝夜籌商立志減漕以蘇民困竊謂欲禁浮收當先革冗費現已遴委道府大員馳詣各州縣體察情形除破情面分別刪減嚴立限制明立章程榜之通衢俾窮鄉僻隅一律周知貪吏猾胥無從欺隱取中飽之資以分益乎上下務期積弊盡除民力藉以稍紓而國賦得歸實濟易云窮則變變則通通則久此其時也然積重難返弊已百年利之所在人人得而爭之一旦發其痼疾窮其利藪取而還之民歸之於公將必有疑之怪之且從而謗毀之者臣愚以爲苟利於國苟利於民卽孰殺之歌在所不恤一層封折重寄錢漕係臣職守漕弊一日未清臣職一日未盡除俟辦有端倪再行另摺陳明謹先將湖北粉積弊亟當清釐

情形縷晰密陳

辦理漕務大概情形片

胡林翼

再臣於十月十四日將湖北漕務積弊已久現擬革除冗費減定漕章情形密摺具奏奉 硃批所奏實屬剴切汝能不顧情面祛百年之積弊甚爲可嘉俟辦有端倪再行具奏欽此欽遵 臣與司道武漢兩府日夜籌商令各州縣將向來浮收數目及漕規冗費據實開陳痛加刪減從前每石浮收錢十六七十八九千或二十餘千者今減至六千數百文或五六千文浮收入九千文者今減至四五千文耗米水腳票費一併在內共由單串票標米號錢及雜項名目一概革除統計有漕州縣民間共刪減錢一百四十餘萬千文此向來官吏丁差剝之於民而今還之於民者也州縣照減定章程徵收後北漕每石解正銀一兩三錢耗銀一錢三分南米每石解正銀一兩五錢耗銀一錢五分其較北漕多解銀二錢者緣南米係供滿綠各營兵食遇有災緩不敷由藩庫籌款撥補今藩庫款項支絀不能不就款預籌統計北漕南米正耗銀兩實應解糧庫銀四十一萬餘兩此向來以熟捏荒以徵爲欠不盡歸公而今實歸於公者也南米例支滿綠各營兵精應均照例價每石折銀七錢尙餘銀入錢荊州滿營生計尤艱應於每年例放二百日本色之內酌加銀二錢每石折銀九錢尙餘六錢計共餘銀入萬餘兩撥入藩庫籌備撥補兵米及滿綠各營正餉又漕南水脚銀每石一錢五分計共銀四萬餘兩向係各州縣開銷修倉補墊水陸脚價及漕南書吏飯食等項之用頗爲浮冒今改徵折色各州縣毋庸開銷應飭前解糧庫亦可補苴兵餉此則於節省之中寓籌備之意於民無損而於公有益者也從前兌運北漕糧船旗丁水手於屯運例款不敷之外州縣向有津貼名爲免費今若一併裁革將來河運疏通勢必有礙兌運擬將此項免費暫提充餉俟開兌北漕仍歸丁船津貼約計提銀七萬餘兩此則因其所固有留其

所不可無於目前有益而於日後無損者也又隨漕淺船軍士安家幫津資役等款改折停運俱毋庸開支又可提存銀十二萬餘兩凡此漕務情形經臣通盤籌算極力減除爲民間省去錢一百四十餘萬串爲國帑實得銀四十餘萬兩又得節省提存銀三十餘萬兩以今視昔漕務利弊較然可觀至於州縣奢差僅徵飯食辛工紙張原難責以枵腹從公然又何至如前此之十倍百倍漫無限制卽現在收數既已痛加刪減而道府漕規及上下衙門一切冗費又復悉行革除計州縣尚可稍資辦公斷不至藉口賠累別開浮勒詐案之端臣既已訪察積弊去其太甚取一百餘萬之中飽以分益乎上下已往之愆尚可不究後來之弊法必從嚴萬一不肖州縣託名冗費恣意浮收必應從重懲辦以厲其餘此則目前之整飭非難而日久之防閑尤所宜慎者也現自減定章程之後通省周知小民踴躍歡呼輸將恐後歷年漕務開徵至次年七月猶事追比甚至一二年後尙煩催促本年漕務經此整飭因民所欲必能提前數月按數催解藉以上紓 聖慮除州縣之陽奉陰違仍前浮收者另摺查參並俟辦有成效再行奏 聞所有辦理漕務大概情形謹附片據實密奏

札各州縣論錢漕吏胥咸豐八年

胡林翼

國家正供度支所繫考成甚嚴查湖北近年錢漕徵解多不足額各州縣因循怠玩任聽奸書蠹役等把持舞弊私收入己而上下兩忙錢糧及漕兩正額置之不顧甚有昏庸州縣形同木偶徵收大權一寄諸總書冊書里書之手書辦曰散失無存官亦曰散失無存於是聽其顛倒戶名而不知完欠之爲誰矣書辦曰板券煩重難稽於是聽其改用活券而不知催比之何據矣欺侵蠲蔽百弊叢生官不過稍分其餘潤而小民之脂膏遂盡歸書役之中飽而 國賦轉致虛懸書役等轉得肆無忌憚於是有捏災枉緩之法在謂某區某垆水衝沙壓宜緩某名某戶逃亡故絕難徵官欲顧其考成不得不受其播弄懵懵焉爲之籲稟不知其所謂水衝沙壓

者固皆成熟之區其所謂逃亡故絕者實盡已完之戶迨至災已辦成而弊恐敗露則又有挖徵之名以混之則又有預徵及急公之說以掩之其甚者更有例災名目謂某鄉民情梗頑自來無完納錢漕之事每歲必藉災以爲彌補種種捏飾下以欺吾民上以欺吾君殊堪髮指本部院於上年查辦秋災時告誡頗極周詳而江陵公安石首監利松滋漢陽沔陽漢川鍾祥天門潛江京山荊門等州縣所辦災緩區垸究多不實此後再有捏報災緩及徵解逾延等員本部院惟有從嚴參辦決不曲爲寬宥也本部院精思博訪竊以爲欲除其弊有數法焉一曰清丈徵冊雖失田畝自在通計湖北州縣廣長不過數百里其中必分爲幾鄉又其中必分爲幾垸幾里今若出示剴切曉諭就各鄉各垸中選派公正紳士親身督率按畝丈量不經保正書差之手民知丈量既定而其每年所納之賦無不絲毫歸公不致再爲衙蠹所侵蝕將必和盤託出彼此相稽而徵冊可定是無冊者皆有冊而書役無所行其挾制矣一曰自封投櫃查錢糧定例不准胥差包徵必花戶自行完納法至善也唯花戶距城或遠守候留難或多未便今若推誠曉示小邑設櫃城中州縣之大者於四鄉添設分櫃只准保正糧書糧差等挨甲挨戶催令花戶自行赴櫃不准代花戶完納以杜包徵之弊其零星小戶准其彼此附帶銀錢上櫃隨徵隨卸與券票則民必踴躍輸將而從前包徵墊完之弊胥絕矣一曰嚴推收查湖北惡習往往買田數年或數十年竟不起房推收過割只潛赴里書處開一戶名私相授受更有田已更易數主變產已經數世而糧名未換仍在舊戶下完納者而官與糧書皆昏然不知始意不過欲隱匿稅契耳久之而飛灑詭寄之弊生矣久之而私收欺侵之弊作矣豈知田在某里某圖某區某垸某會某鄉一有買賣斷無保正不與聞之理亦無鄰佑不知情之事今嚴定期限遇有買田之戶躡界交價以後限十日卽赴州縣房過割投稅不准推收房刁難倘糧戶仍前違玩不肯將糧推收清楚有意弊混一經察出或被告發卽將其田一半

入官並科以隱匿之罪保正鄰佑知情不舉同坐無論差保鄰佑糧書糧差有意庇縱者加等治罪有能舉報
由州縣自行獎之則欺侵之源可杜矣一日清戶柱至到有田在出鄉而糧在湖鄉者有東鄉之人買西鄉
老而糧仍撥入東鄉者有一糧戶而數十花名者有一兩錢糧而分立數名者其意欲混入積淹之冊希圖
之田欲避大戶之名而巧卸差徭也更欲避堤頭圩頭之舉而深畏相累也更有田已典當而未杜賣過戶
蠲緩也糧問之田主田主曰已典當與某間之營主營主曰並未杜賣仍須田主完糧彼此相推幾乎無可
及催收錢糧弊皆逃亡故絕之源也豈知戶名即可更變而田地總不能搬家執田以求人執人以查糧未有
捉摸種種著今將某大戶共若干花名條分縷晰歸併於某大戶總名項下糧名可按籍而稽矣某里某圖
不絲絲入某鄉共若干田若干錢糧若干住戶土著之主田若干外來買之客田若干某田係自種某田
某區某各該地方紳耆保甲細查一遍填註明晰取每年收青苗錢之簿而覈之取每年做堰塘修堤
其典賣田畝之戶責令賣絕過戶否則仍歸田主完糧則一切鬼蜮之徒無從使其伎倆而黑
糧之弊可漸祛矣以上數法奪書役權還之於官而不使書役得以分官之權是在爾州縣體察而力行之

請革除江北錢糧積弊片

光緒十年

屠仁守

再求治之方除弊爲急臣籍隸湖北有訪問真確者謹爲 皇太后 皇上陳之 一湖北錢糧積弊自咸豐
年間故撫臣胡林翼革除冗費奏定章程刊碑勒石垂諸久遠江漢之民感戴 皇仁莫不歡欣鼓舞乃官吏
日久生玩夙弊潛滋其爲害民間最甚者有二一曰催役一曰糧書催役者皆以錢買或窩缺開徵之時揭票
下鄉向糧戶催收酒食供給外每票勒索錢數百文甚者數千文稍不遂意輒以抗糧報官鄉民畏懼不得不
飽其慾望求免拖累獲利既豐其勢愈橫糧書經收錢糧鄉民數十里或百餘里城投納悉聽糧書核算溢額

取盈米則零升直以斗計銀則數錢竟作兩論有所謂票號之費任意浮收無敢致詰復不當時給票鄉民羈候誤農業或且終不得票被催重納有此兩害是致三農憔悴百室怨咨剝肉醫瘡無所控告朝廷有輕賦之名州縣有重斂之實良法美意壞於奸胥蠹役而莫之省憂臣竊傷之查定例有輪催之法簡閱里甲以滾單分限遞催未嘗任催役魚肉小民也有聯三印票以給納戶徵信未嘗許櫃書勒措小民也今當詳稽定例責州縣實力奉行尤要在預給易知由單按照糧戶冊名依定章核算載明納錢若干徵收之時納戶持單照數投櫃換給印票倘櫃書任意刁難准納戶即時稟訴州縣袒庇不卽懲治者上司隨時訪察嚴行參辦聞雲夢應城等縣有行由單者他縣則惡其害已率爲糧書沮格非嚴定處分以整齊畫一之不可至若不任里甲濫設催役必當永遠禁革違者治罪如此則皇恩得以下究民困可望稍蘇深仁厚澤惠及焚蕝莫切是乎

奏酌擬徵收錢糧各條片

屠仁守

再臣前奏湖北錢糧積弊光緒十年四月十七日欽奉諭旨著湖廣總督湖北巡撫飭令各州縣查明定例按戶豫給易知由單核算明晰納戶持單投櫃換票不准濫設催役名目櫃書如有刁難情事准其稟訴懲治倘州縣意存袒庇卽著嚴行參辦等因欽此仰見聖主軫念黎元剔蠹懲奸之至意莫名欽感臣竊維除弊之法要在詳明而作弊之情利在朦混徵收一事豫給由單本屬易行特官吏惡其害已遂委定例於不顧臣嘗見州縣糧票於幾升幾合字樣皆故作大草使人不得辨識以爲任意浮收地步不過舞文數字而各省一律則其橫取於小民者不知其幾千億萬利歸官吏怨歸朝廷莫此爲甚故臣前奏欲令由單載明納錢若干係屬緊要關鍵伏查嘉慶四年仁宗睿皇帝特諭錢糧一項鄉民有折交錢文者若竟行禁止恐小民不

諸銀色反受胥吏愚弄各督撫務於開徵之先按時價核定換銀上庫之數每兩徵收大錢若干文出示曉諭聽民自便毋許絲毫浮收將此通諭知之欽此仰見 睿皇帝愛民之心實爲曲至今湖北錢糧既經故撫臣胡林翼奏定章程銀米兩項悉體察各州縣情形定數折納制錢自應於由單印票照數註明徵收方爲核實之道臣謹引伸酌擬詳明條目具列於左

一州縣上下忙開徵之先刊發易知由單按各里花名繕造糧冊使納戶納數與一甲總額相符其由單內按照胡林翼奏定章程核算載明銀錢兩幾錢該納制錢若干文米幾升幾合該納制錢若干文水脚票號雜費一併在內納戶卽依錢數持單赴櫃投納倘由單內不載明錢數若干卽屬有意弊混將該州縣指參一豫給由單若令花戶自領未免紛紜若飭役散給又復增擾均爲不便查州縣各鄉悉有科算書又各冊書專管民間分單過割等事其於花戶應納銀米之數無不周知應責令彙領由單挨戶給發或由單核算錯悞花戶但與該冊書較計稟官更正倘冊書有妄行需索之處輕則究懲重則責革

一徵收之時照例於公衙門首設櫃若地大戶煩卽須多設櫃數以便糧戶分投完納不致擁塞羈候攪越舛錯錢隨由單交納無須比時科算只核對印票無悞卽行截給歸農倘印票內未註明所納錢數及不當時給票准納戶將櫃書稟官嚴究

一革除催役開徵之時照例設立滾單悉按糧冊於納戶名下註明應納之數給發單內首名挨次滾催行自赴櫃完納如滾到之戶臥單不傳著挨次之戶稟官究責

一法旣便民自無不踴躍輸將然良莠不齊若有惰農自安抗不赴櫃完納者則有摘催之法查傳的戶正身嚴行追比旣不因一二頑戶任法以徧擾鄉民亦不爲欲安善良廢法以姑息頑戶懲一戒百於政爲宜

一水旱偏災錢糧蒙 恩蠲緩必令州縣報明某鄉某戶載入由單免其完納若本年先已徵收者准其抵次年應完之數倘州縣含混重徵查明參處

以上六條於成法初無變更特就成法之中切實整理冀得剷除積弊宣暢 皇仁錢糧無逋負之虞而百姓有來蘇之慶至於胥吏人等果能奉公守法該州縣亦宜量增犒食俾得贍其身家州縣官果能實惠及民該督撫亦當裁革浮費俾得寬舒於財力如此則上下相見以心官民聯爲一體催科不擾然後教養可得而施其於化理之原裨益當非淺鮮

議減杭嘉湖三府漕漕疏

閩浙總督左宗棠

竊臣欽奉同治二年六月初三日奉 上諭浙省疊遭兵燹小民流離失所殊堪軫念自應將該省漕糧量予減免以示公溥之仁著左宗棠通訪杭嘉湖三屬將實在應徵漕糧稅則詳細確查各按重輕分成量減奏明辦理欽此當因杭嘉湖三屬均未克復戶口流亡徵冊燬失應俟地方肅清各就各地情形分別裁減於上年十二月覆奏在案本年八月湖州克復浙西一律肅清卽與布政使蔣益澧糧儲道楊昌濬商議於省城設立清賦總局悉心規畫期於周妥查杭嘉湖三府漕額之重與江蘇蘇松太等蘇松太既議減三分之一則杭嘉湖亦宜仿照辦理就杭嘉湖三屬徵糧科則言之又以嘉湖爲重杭州次之就嘉湖兩府言之又以歸安烏程嘉善嘉興秀水爲最重平湖海鹽桐鄉石門德清次之長興武康各屬又次之杭屬臨安於潛昌化新城等縣山多田少故較之嘉湖糧賦固輕出產亦遠遜也嘗攷杭嘉湖三屬賦重之由始於宋季僭以道之官田元代因而增之明初張士誠據姑蘇兼有嘉湖各郡明祖平張士誠遂用其租籍收糧已而又括官田之糧均之民田層遞加增民困獨甚我 朝定鼎以來康熙中免三分之一者一年全免者一年雍正六年又減嘉湖二府

額賦十分之一計銀入萬一千餘兩中間偶逢水旱偏災無不隨時蠲緩 厚澤深仁有加無已故民力得以稍紓至乾隆嘉慶年間家給人足曾歷辦全漕道光癸未辛卯以後兩次大水民間元氣大傷賦重之處未能全漕起運逐歲報災歉蠲緩頻仍然 朝廷雖屢沛殊恩而小民未盡沾實惠蓋一縣之中花戶繁多災歉蠲免悉聽經書冊報世家大族豐收者亦能蠲緩編氓小戶被歉者尙或全徵且大戶僅完繳正額小戶更任意誅求遲至滿廩停收卽須改徵折色每石價至五六千文不等以小戶之浮收抵大戶之不足官吏徵收不善小民咨怨有詞故鬧漕之案往往因之而起然州縣浮收亦非能盡飽私橐也從前河運之時旗丁需索幫費如咸豐初年每兌漕一石除給報部漕截銀三錢四分六絲外尙須由州縣貼給費錢千文幫費一日不清幫船一日不開州縣惟恐有誤運期不得不浮收以填豁壑而小民苦於苛斂弱者日受追呼桀者或從中持之因而竄入大戶以致小戶日少大戶日多旗丁之索費日重州縣之虧項日積民以完漕爲苛政官以辦漕爲畏途積弊相因官民交困咸豐二年改行海運每石連商船水脚及南北用款統計約需銀入錢有零曾奏准以給幫漕截抵支水脚其不敷之項按各州縣幫費重輕酌提解省津貼自七錢至四錢不等較河運之時已爲節省茲奉 恩旨飭議覈減漕糧將舉數百年積困而紓之 崇朝固三郡羣黎所呼籲祈禱而不得者臣等躬逢 盛世若不能博訪利弊之所在而悉心參酌衷諸至當以規永久不獨無以副 朝廷曠古未有之隆施亦何以慰草野久困思蘇之至意謹就現在漕務應行籌辦大概情形列爲四條敬爲我 皇上呈之一曰減正額浙省杭嘉湖三屬額漕白改漕南匠行月等米共一百一十餘萬石徵糧之則大小不同卽浮額之糧亦多寡不一現須分別量減自應先去浮額之甚以除輕重不均之弊擬各按上中下賦則分別定數如每畝徵米一斗一升以上至一斗八九升者爲上則自六升以上至不及一斗一升者爲中則不及六升者爲